

漢天師世家卷之二

四十二代天師大真人張正常

招聘榜文

吳王令旨江西等處行中書省蓋聞玄教無爲默贊國家之治
皇猷大啟丕崇道德之風乃眷至人素居福地旣已歸於版籍
必特表其儀形信州龍虎山正一教主天師大真人衍華胄
於留侯紹真傳於老子身受祖師之託役彼百靈心與造物
者遊超乎萬類凡有知覺罔不皈依但因兵革以來遂使公
庭多故近聞冠珮遠寄江湖爰伸物色之勤庶冀旋居之速
省府除已差官齋香前詣龍虎山宗壇敬奉

道藏輯要

漢天師世家

十一

真集七
川人

真仙祝延

聖壽外合行出榜曉諭仰總兵官及有司官員訪求天師多有
招聘禮請入山依前任持道教但係龍虎山宮觀殿宇及供
器什物諸人毋得作踐損壞褻瀆神明舊管山園田地房屋
悉聽爲主諸色軍民人等不許奪占違者治罪瀕至榜者

龍鳳六年 月 日給

本年四月

回德澄心定性以凝道功書

吳王書致

玄壇教主四十二代天師張真人五月六日俞真人來捧至